

四庫全書

集部

欽定四庫全書

集部

古歡堂集

卷 圖說  
四四二至四四三

詳校官侍講學士吉法式善

助教臣常循覆勘

總校官庶吉士臣何思鈞

校對官中書臣石鴻翥


謄錄監生臣王永鎮

長河志籍攷題詞

維桑與梓必恭敬止詩言之矣余情結牢落景入崦嵫  
倦言鄉國俛仰興懷披閱殘志但成悵恨錯舉則紛還  
無論雜述亦踳駁鮮要方鑿圓枘鉏鋸難從翔鳥游魚  
蹉跎不獨因之周流輿籍詳觀圖牒逋髮搦管鳩集斯  
文語有背馳取其長而委其短事多疊肆筆其一以削  
其餘摭英略穢彙聚類分飭以藻采學彼駢麗敢云噭  
飲膏液咀嚼英華摯虞小生之譏庶有豸乎然而離寒

歷暑銷燭研露何當措翰使復覈精縱或鼎新乎已意  
亦宜遠詭于曩聞為茲編也柴桑有情秋鱸堪憶藉以  
釋我胷春代樹萱蘇豈謂藏山之名播於士林哉翼鄉  
之耆德英彥補綴周備尤其幸焉楊銜之伽藍之記孟  
元老夢華之錄大槩如斯矣康熙戊寅七月蒙齋田雯  
題





州有志舊籍亡矣新志引春秋襄公二十五年同盟於  
重丘又清類天文分野書云陵縣春秋為重丘齊地  
又應劭之言曰安惠縣北五十里有重丘故城又漢  
志平原郡有重丘縣又曰不詳其處謬矣曰戰國屬  
齊亦屬趙屬齊據杜氏通典又據姓譜言齊宣王之  
弟封於平原陸鄉屬趙則本於趙勝之封平原君司  
馬遷云平原君封於東武城乃貝州清河郡地漫無  
所考曰惠州禹貢冀兗二州之域衛河在州城西門

外河以東屬充河以西屬冀膠柱之見也山川風土  
之寥廓天文分野之躔次豈若煙戶之氓北舍南鄰  
豚柵鴨欄之以尺寸限哉曰衛河即漢之屯氏河隋  
大業中疏為永濟渠其源自河南輝縣合滏洹淇三  
水東流至館陶界與漳河合至清淵與會通河合北  
來自武城縣入州境又北至桑園出境逕東光滄州  
天津下直沽入海是矣乃引于東阿筆塵云煬帝開  
永濟渠因沁水南連於河北通涿郡其說相左何略

不置辨也曰董仲舒廣川人廣川今之景州從舊志故列之似非得已何以強列於人物之首也又曰土人掘地及泉得石刻曰董子讀書臺石如玉版字若琅書既非董子故里而何以得此石哉古之疆域固犬牙錯也廣川之境亦大矣况惠州即廣川而掘泉得石之處相去不過二十里安知非治公羊春秋時下帷處也即援藉以為州乘重未為不可何泥於今而囿於古耶曰攷之漢晉二志平原郡治平原縣而

隋唐以下所謂惠州者乃今之陵縣蕭望之伏湛諸人猶今之濟南知府而已因舊志開載故仍之夫仍者沿襲之謂也既自知其沿舛襲訛而又以舊志之外據據多人以炫學問之宏取材之富吾所莫解孟但殷忠見於史記皆仲舒弟子亦廣川人不書可也東方曼倩平原厭次人何以不書志之疎陋大率類此作志與作史有別紀善不紀惡金之崔立可以不書矣而書災異渾其名曰紀事多牽連乖戾之詞也

書火蓮美其文曰節婦亦異端惑世之術也君子於此皆欲刪正之無足採焉是以上搜舊聞旁摭遺逸別為一編頗以愚昧有所論辨第才愧著述多有脫漏世之君子詳其闕焉蒙齋田雯識

封域論云州在唐為將陵本漢之安惠縣地至宋移治長河鎮而其名未著

按州之為長河也其名著矣在漢為信都國之廣川縣地廣川即是長河水經云淇水過館陶清淵廣宗

東武城又北過廣川縣東廊注云縣有長河為流故曰廣川顏師古曰仁壽初避諱改長河隋唐二書志俱云長河縣屬惠州舊通志五代時廢為長河鎮宋史景祐元年移將陵縣於長河鎮元置陵州明置惠州是惠州之地漢晉號曰廣川隋唐名曰長河始則為縣後廢為鎮移將陵於長河改陵縣為惠州奈之何其未著耶夫不知長河則不知廣川矣又焉能識漢相之粉渝別醇儒之桑梓乎按襄強之縣亦有廣

川弓高之鄉既連脩治衡水為衡漳之水即是武邑  
所分棘津有棘津之亭亦言呂望所隱董生下惟當  
在茲地而越人見劉寔堯是怪所不可怪也夫東方  
尚曉畢方海民猶獲長臂不怪所不可怪則石室等  
貳負之尸玉杯無坦平之詐矣

州志云夫元人立州省而名陵可也降而為縣則  
復古將陵之名豈不明白易曉而曰陵縣是當日  
儒臣之陋矣州西徙則曰陵州縣東立則復安惠

又豈不明白易曉而彼此互名是當日儒臣之尤陋矣

按古縣有將陵焉有樂陵焉有安陵焉亦有專名陵者水經漳水又東北至樂城陵縣注云漢桓帝以其邑奉山陵故加陵曰樂陵又水經云屯氏別河又東北逕陵鄉南凡言陵者或事單文或如複姓若古惠今陵則近樂陵之地古陵今惠又是將陵之餘如陵必將陵惠必安惠則水經必無陵縣而年表應無惠

侯惠者本以惠水為名史記封禪書昔秦文公出獵獲黑龍此其水惠之瑞於是秦更名河曰惠水惠州古九河之地黃河所經漢縣名為安惠者以其惠水安瀾耳是惠先安惠今陵縣尚有惠水俗呼十里河且郡縣之名古今不一如陵谷之變遷比春秋之遞代或通俗文或循古雅隨時改易圖籍在焉若夫史之闕文何陋之有

州志沿革漢為平原郡之安惠縣地後漢因之為

侯國晉為安惠縣屬平原國南宋屬平原郡後魏屬勃海郡後改屬安惠郡

按二縣安惠地是已此與金陵縣同為州之東境地其州之西境本古長河縣則漢之廣川當云漢為平原郡之安德信都國之廣川二縣地後漢為安惠侯國廣川屬清河國晉安惠屬平原國廣川侯相屬勃海郡南宋安惠屬平原郡又於廣川縣置郡後魏安惠屬樂安郡廣川因之

州志沿革隋開皇十六年分安惠置將陵縣屬平  
原唐為惠州郡望縣

按將陵古縣名漢書外戚恩澤侯表將陵哀侯史魯  
有舊恩封隋唐別有將陵縣在州北此時縣名長河  
不名將陵至宋景祐元年移將陵於長河始名將陵  
也新唐書志縣稱上中下望緊安惠稱緊將陵稱望  
長河稱上若志安惠可云唐為惠州平原郡緊縣道  
長河可云惠州平原郡上縣乎覽者不悟或疑望為

縣名殊失記載之體當云隋為平原郡之安惠長河  
二縣地廣川改名長河隋志雖無安惠而舊唐書志  
云至隋不改唐因之又移長河縣於小壺城即今州  
是五代時廢長河為鎮宋元明如志今依其世代編  
之以備地理之記焉

欽定四庫全書

古歡堂集卷四十

戶部侍郎田雯撰

長河志籍考

惠州古平原郡隋之長河縣也長河縣始在河西後移置河東所謂永濟河隋渠名即今之衛河今州城在其東即長河縣河東之小壺城也唐末廢為長河鎮宋移將陵縣治于此元曰陵州明改惠州按古今州治有二東與西辨焉東為漢平原郡之安惠古德字縣

地後漢安惠侯國屬平原郡晉屬平原國宋屬平原  
郡後魏屬樂安郡又於般縣置安惠郡隋置惠州又  
為平原郡唐復置惠州治安惠縣天寶元年改為平  
原郡乾元元年復為惠州歷宋金元至於明初皆為  
惠州此古惠州治也今為陵縣惟割二鄉為今州東  
地故今州得稱安惠嘉靖間山東通志云陵縣土城  
在平原郡城之內即顏魯公禦  
安祿山處延袤甚闊今陵縣城正德六年改  
築是古惠今陵之證也而今惠州為故陵矣州西為  
漢之信都國廣川縣地後漢屬清河國晉屬勃海郡

又屬廣川郡後魏屬長樂郡隋避煬帝諱改曰長河  
縣屬平原郡唐屬惠州漢書地理志信都國廣川縣  
顏師古曰閼駟云其縣中有長河為流故曰廣川也  
舊唐書地理志隋於舊廣川縣東八十里置新縣尋  
改長河為水壞元和四年移就白橋於永濟河西岸  
置縣東去故城十三里十年又置河東小壺城惠州  
領安惠平原長河將陵平昌五縣宋史地理志景祐  
元年移將陵縣治於長河鎮元史地理志陵州本將

陵縣隸濟南路

今州學碑文稱  
陵州其證也

明洪武十三年改為

陵縣永樂七年以陵縣為惠州而以惠州舊治為今

陵縣屬濟南府領惠平平原二縣此今惠州治也按

古小壺城在永濟河東唐元和十年所徙之長河縣

也後廢為鎮故宋移將陵縣治於長河鎮今城西臨

衛河即隋之永濟河也而近代志書多未及長河故

縣之名宜從政者新未視故府耶

論曰昔惠水沉鐘於秦代本號黃河安陵氏邑于漢家

聞諸赤縣平津以封於故相鬲海尚著於今圖然而  
為茲說者有數難焉漢之平原治于平原唐之平原  
治于安惠自州郡遞遷陵惠互易稱之則別有今縣  
之名舍之則又失古郡之號此一難也昔楚吳鄰境  
實有讓田宋鄭之間猶存隙地屬平原矣不辨信都  
之國割安惠矣未達長河之治稱樂陵遂疑陵縣之  
東言脩縣又謂弓高所在東則東方遺像幾同愚叟  
之移山西則董生下惟又類魯人之徙宅徵人徵鬼

古是今非城郭非遙郊圻自遠遭遇者莫知其地談論者空識其名此一難也移將陵於舊鎮陵既非陵徙惠州於故陵惠又非惠然則今之州治豈同何有之鄉神仙留打麥之村山石耕五倉之故哉為之說者馬頰未銜鹿角靡解此一難也若夫平原之嶺即傍厭次之津永濟為渠無非屯氏之水俾方朔割肉于里社仲舒窺園于竹林孔相樹碑于脩縣太公賣食于棘津煬帝修名于具教秦皇病甚于鼎湖淮陰

渡水于故道公孫館容于侯都言九河直與許商行  
視爭二郡復竝孫禮按圖謂之長河舊縣不亦可乎

州城魏泰和間築

本嘉靖間山東通志

即古之小壺城也元史崔

敬傳言至正間陵州無城郭明洪武三十年始有之  
正德六年外增羅城即今遼城堤也門五

南頭一門曰朝陽南出通恩縣路東南通平原路東  
頭一門曰長樂長樂郡名晉改廣川為長樂水經注  
云長樂故信都也東據方山其地本漢厭次之境東

方大中之所居也東北通惠平路東出通陵縣路北頭一門曰拱極西北通景州路正北出桑園路西頭近北有小西門曰廣川廣川者漢縣也有浮梁舊名廣川橋渡衛河通景州路景州東南有廣川臺又有董子祠凡董子故蹟在景州東南則在惠州西北廣川之地二州有之廣川之門為古正西一門曰定邊

載見嘉靖  
間通志

定邊者古名也五代時石晉以燕雲賂遼

凡十六州地幽

今順天  
地薊州

瀛

今河間

莫

俗呼曰  
今鄚州

丘

今任丘縣

涿

今涿州

檀

今密雲縣

順

今順義縣

燕

今縣

檀

今順義縣

順

今順義縣

邊

謂之山前七州宋人承其後  
遂以白溝河為界統兵要害在近邊未嘗遠戍境外  
瀛莫諸州悉是邊地故有定邊之名矣元明建都於  
燕檀順諸州悉是畿內之地今志改聚秀失定邊之  
名陋矣西踰衛河通衡水路先賢孔穎達舊里也西  
南通故城路

論曰昔開陽飛柱或記瑯琊雷門擊鼓遙聞會稽河南  
透鼎門之口東都掛逢氏之冠門郭相經街衢洞達

五門所以名也是以朝丘舊縣南望朝水之陽廣川  
直流東達長河之岸長樂之郡不遠小壺之城在茲  
及宋家承石晉之餘明室繼有元之後玉斧畫地白  
溝河自此定邊黑帝司晨叶光紀於以拱極余所以  
表列門名旁通八境也

南至東昌府恩縣戰國趙平原君封邑地漢清河郡後  
漢晉宋後魏因之隋分武城及鄃縣置歷亭縣唐歷  
亭縣屬貝州宋改清河郡為恩縣屬高唐州按恩縣

西四十里即舊恩縣遺址清河平原二郡連竟三國  
魏時爭界孫禮之所按圖者也

東南至平原縣春秋時屬齊後為趙平原君食邑二漢  
屬平原郡晉屬平原國宋屬平原郡後魏屬安惠郡  
後齊省鄃縣入隋屬平原郡開皇十六年復析置鄃  
縣唐太和二年屬齊州三年改屬惠州平原郡五代  
宋金元明並仍舊今因之按漢書地利志平原縣有  
駕馬河南西南有鄃城後漢馬武為鄃侯即此西北二

十里有漢繹幕城是平原之篤馬河今陵縣惠州並有之及漢之鄃縣繹幕縣皆今惠州之連竟也

東至陵縣陵縣故惠州也春秋時為齊重丘地二漢為安惠縣晉宋屬平原郡後魏屬安惠郡隋唐置惠州歷宋金元明初皆為惠州永樂間始於此地置陵縣名為陵者西晉北魏曾置東安陵縣省安陵入東光唐將陵屬惠州後周復併安陵入將陵宋移將陵於長河鎮屬永靜軍金屬景州元升為陵州屬濟南路

改屬河間路明以河東亦有陵州改為縣尋以陵縣

置惠州而以故惠州為陵縣屬濟南府

州志論畧曰  
枕衛河而為

城北界景州南連恩縣全之所謂惠州乃昔之所謂將陵縣所謂陵州者也東南倚馬頰河東北為神頭

店即古之厭次今之所謂陵縣乃昔之所謂惠州所謂平原郡所謂安惠縣者也何以明其然也明史云

惠州唐初為惠州後改平原郡又仍為惠州元初割大名之清平濟南之齊河來屬領縣五安惠平原齊

河清平惠平而金史云安惠有鬲津河有鎮四曰磁博澗化盤河惠安齊乘云厭次古城在州東北二十

里平原嶺在州東南七十里嶺上有鹿角關是惠州在東之證也元史云陵州本將陵縣宋金皆隸景州

憲宗三年割隸河間府是年升陵州隸濟南路至元二年復為縣三年復為州仍隸河間路而金史云景

州將陵縣置河倉有永濟渠鉤盤河永濟渠即今之衛河是陵州在西之證也唐平原太守顏真卿所書之碑在今陵縣是今之陵縣惠州也平原也元陵州儒學碑在今惠州是今之惠州陵州也一變自元人升縣為州以昔之將陵縣省而名陵再變自洪武中降州為縣不名將陵而僅名以陵之一字又以安惠縣并入惠州三變自永樂十三年徙州近河以陵縣為惠州以惠州為陵縣更互其名而二三百年之後已茫然不可辨故建文以前之史其言惠州者乃今之之陵縣永樂以後之記載文移其言惠州者乃今之德州夫元人立州省而名陵可也降而為縣則復古將陵之名豈不明白易曉而曰陵縣是當日儒臣之陋已州西徙則復曰陵州縣東立則復曰安惠又豈不明白易曉而彼此互名是當日儒臣之尤陋已是以知五石六鷗非聖人不能書後之人乃以二缶鍾惑也今因之按陵縣有惠水

俗呼十里河故州以此名又有古平原城在陵縣遠城之外即古郡城

東北至惠平縣漢平昌縣屬平原郡後漢晉為西平昌  
宋復為平昌後魏天平初屬安惠郡後齊省高縣重  
平縣入隋唐屬惠州貞觀十四年省盤縣入後唐改  
名惠平宋熙寧六年省入安惠縣金復名惠平屬惠  
州元明仍舊今因之按惠平縣西南有鉤盤河今尚  
謂之盤河店惠平西南則惠州之東北竟也縣東北

有盤城即漢盤縣字亦作般昔縣人禰正平恃才倜  
儻孔文舉謂騁奇麗為非常之寶酈善長云肆狂狷  
于無妄之世孟惠景升以厲節莫容猶愛才忍辱雖  
保身不足黃祖洵死公矣東南有高城漢置周圍三  
里址尚存又有舊高城北有朱祐墓光武功臣封高  
侯高城以高津得名者也惠平西南二十五里有絲  
堤傅伯絲所築斷續十里凡在惠平西南皆與惠州  
共之者也

北至河間府吳橋縣本隋將陵縣地屬平原郡唐置惠  
州金始於縣之吳川置吳橋縣屬景州元明仍舊今  
因之按舊唐書地理志將陵漢縣隋分安惠於將陵  
故城置此縣金史云樂陵與將陵俱有鉤盤河又按  
古黃河在吳橋縣城南西南接惠州東北入寧津界  
歲久枯塞河堤存焉

西北至景州漢鬲縣地屬平原郡晉屬平原國後魏屬  
安惠郡隋置弓高縣唐置觀州又於弓高縣置景州

後廢復置東光縣後周改定遠軍宋改永靜軍金元復為景州徙治脩縣明以脩縣省入今因之按脩字亦作脩音條脩縣有董仲舒祠廣川臺今景州西南有董家里一名董學村又有廣川鎮即仲舒下帷處舊有祠董里適在二州之境故今惠州學內有董子讀書臺廣川之地二州皆有之也西有九城有邸閣城內有晉條令魯國孔相清惠碑又漢書地理志有脩縣渤海郡有脩市侯國周亞夫封條侯爾雅釋草

云蓀脩郭景純亦未詳也然二縣並名非無故矣又按惠州正西為棗強縣亦故廣川縣地司馬彪曰棗強縣北有棘津城呂尚賣食之困疑即在此又城東十八里村中土人掘地得北魏高植墓石拓跋巨姓多家於此脩之高猶清河之崔也

西至真定府衡水縣本漢信都國桃縣地隋置衡水縣屬信都郡唐宋金皆屬冀州元割屬深州明仍舊今因之按衡水者禹貢覃懷底績至於衡漳孔安國云

漳水衡流入河鄭康成亦云橫漳漳水橫流王肅云  
衡漳二水名謬矣縣西北有孔賢莊孔頴達墓蓋其  
故里云衡水縣界東距惠州治三十里其水橫流入  
惠州也

西南至河間府故城縣漢清河郡東陽縣地漢晉後魏  
及隋俱屬清河唐屬貝州宋屬恩縣金為上故城鎮  
元初為故城縣屬河間路明仍舊今因之按故城衛  
河所經又與東昌恩縣同皆古平原清河之境也今

由惠州城西渡衛河南行二十里入故城界有丞  
相屯土人云是甘茂故里三十年之遠留此名矣

論曰州之互異豈惟陵與德哉實由名號驟易境土屢  
分或一郡一縣割成四五四五之中亟有離合星羅  
碁布豆割爪分參伍之所未窮巧歷之所不遺故其  
爭平原清河之界者王翁跨鳴犧之河爵隄過馬丹  
之堠於平原有郡縣之遞殊於陵縣有陵惠之互改  
廣川三變州居其一條脩之草分縣治而並藝棗棘

之樹別城津而異林吳橋之川總皆陵地平昌之縣  
竝有惠名與夫恩縣為歷亭之都故城亦東陽之舊  
此二縣者本為一處地理參差其詳難舉今欲考趙  
勝之食邑決孫禮之按圖驗張甲於雲城起甘屯於  
息壤董家之里或見江都孔賢之莊無非曲阜則四  
照之樹悉爾生花五衢之葉俱成辨路雖廣袤所及  
宣曰侵官縱橫言之不為越俎者矣

古歡堂集卷四十

欽定四庫全書

古歡堂集卷四十一

戶部侍郎田雯撰

長河志籍考

九河故道在州東南二十餘里曰古黃河崖堤猶存即九河逕流之故道也黃河入海歷經遷徙禹時注碣石漢世移東郡乃注渤海後漸南徙今從雲梯關入海其為古黃河者禹貢導河積石至於龍門南至於華陰東至於底柱又東至於孟津東過洛汭至於大

伾北過洚水至於大陸又北播為九河同為逆河入于海謂碣石也又云九河既道孔傳云平原以北柔欽水經謂之大河故瀆也今欲考濫觴於二原觀浴日於九道消異說之爭鳴原舊物之有在則黃河之故道可得詳矣若夫東海方丈亦有崑崙之稱西王玉堂更別酒泉之境蒲昌葱嶺誰討其瀾于闐天墟莫名其處前史有烏覩之論後世資繙繹之言又非所論已

爾雅九河一曰徒駭二曰太史三曰馬頰四曰覆𦨇五  
曰胡蘇六曰簡七曰潔八曰鈎盤九曰鬲津郭璞注  
之矣李巡曰徒駭者禹疏九河以徒衆起故曰徒駭  
太史者禹大使徒衆通其水道故曰太史馬頰者河  
勢上廣下狹狀如馬頰也覆𦨇者水中多渚往往而  
處形如覆釜胡蘇者其水下流故曰胡蘇胡下也蘇  
流也簡大也河水深而大也絜言河水多山石治之  
苦絜絜若也鈎盤言河水曲如鈎屈折如盤也鬲津

河水狹小可鬲以為津也孫炎曰徒駭禹疏九河用功雖廣衆懼不成故曰徒駭胡蘇水流多散其餘同春秋緯寶乾圖云移河為界在齊闢闕八流以自廣尚書中候亦云齊桓之霸遏八流以自廣鄭氏據此文為齊桓塞之塞其東流八枝竝使歸于徒駭也夫欲明九河必先知其上游曰二渠曰洚水曰大陸又知其下尾曰遜河曰碣石曰勃海

二渠者史記河渠書漢書溝洫志竝云至于大伾禹以

河所從來者高水湍悍難以行平地數為敗迺灤二渠以引其河北載之高地過洚水至于大陸播為九河同為逆河入于海漢塞瓠子北行二渠復禹之迹孟康曰灤分也二渠其一出貝丘其一則灤川也河自王莽遂空惟用灤耳索隱曰二渠其一則灤川其一王莽遂空也故俗謂之王莽河隋煬帝引衛之淇水入河為永濟渠

洚水有二說其一地理志云降水在信都縣班固漢書

以襄國為信都在大陸之南其一鄭康成以降讀作  
降下江反聲轉為共河內共縣淇水出焉周時國於  
此地者惡言降水改為共尚書正義以為此鄭臆說  
不可從也水經注云鄭氏注尚書引地說云大河東  
北過絳水千里至大陸為地腹水上之名變易世失  
其處見洚水則以為絳水或作絳字非也降讀當如  
城降于齊師之降又今河所徙去大陸遠矣館陶北  
屯氏河其故道與九河既播八牧代絕遺迹故稱往

往時存故鬲般列於東北徒駭瀆連漳絳同逆之狀  
粗分陂障之會猶在案經考瀆自安故目矣

史記正義曰大陸澤在邢州及趙州界一名廣阿澤一  
名鉅鹿澤今鉅鹿縣廣阿澤及隆平縣廣阿城故大  
陸也

逆河者禹貢同為逆河入于海孔傳曰為一大河名逆  
河漢書地理志莽曰迎河師古曰在勃海之濱因以  
為名又渤海郡南皮縣有莽迎河亭師古曰言相迎

受也

碣石勃海者禹貢夾右碣石入于河史記夾右碣石入于海按夏書謂其逆上故云河本紀因其順流故稱海山海經曰碣石之山繩水出焉東流注于河河之入海舊有碣石今川流可導非禹瀆也按碣石所在鄭氏引戰國策在常山九門郭璞注山海經在遼西臨渝太康地志以為樂浪遂城長城所起漢書地理志稱其北平驪成昭帝所登雖數說不同未定厥所

其在驪成者謂之大碣石山亦景純之所兼引矣  
九河之堙在于春秋之世水經注齊桓霸世塞廣田居  
同為一河故自堰以北館陶廢陶貝丘鬲般廣川信  
都東光河間樂成以東川瀆多亡城地益存漢世河  
決金堤南北離其害議者欲求故迹而穿之未知其  
所是矣溝洫志云河決瓠子是時田蚡為丞相其奉  
邑食鄃鄃居河北河決而南則鄃無水災蚡言于上  
曰江河之決皆天事未易以人力彊塞而望氣者亦

以為然是以久不復塞也按鄃今在平原舊縣後漢書馬武傳建武十年更封鄃侯注云鄃縣名屬平原郡今惠州平原西南有鄃城舊唐書志隋分鄃縣置歷亭又夏津縣本漢鄃縣皆盼奉邑所在夫使禹績不復貽害梁楚雖二渠復流而九河終塞武安侯可謂私爾忘公者也望氣之言媚於是矣又溝洫志云自塞宣房後河決於館陶後二歲河復決於平原流入濟南千乘建始時河堤都尉許商與丞相史孫禁

共行視圖方略禁以為今河決平原金隄間宜開通  
大河令入故篤馬河水道浚利許商以為古有九河  
之名自鬲至徒駭相去二百餘里今河雖數徙不離  
此域孫禁所欲開者在篤馬河失水之勢處勢平厄  
旱則淤絕水則為敗不可許公卿皆從商言議者常  
欲求索故迹而穿之然究不可得矣按蔡九峰云九  
河其一則河之經流先儒不知遂分簡潔為二自漢  
以來講求九河者甚詳漢世近古止得其三唐人集

累世積傳之語遂得其六歐陽志輿地記又得其一或新河而載以舊名或一地而互為兩說要之皆似是而非無所依據至其顯然謬誤者則班固以滹沱為徒駭而不知滹沱不與古河相涉樂史馬頰乃以漢篤馬河當之鄭氏求之不得又以為齊威塞其八流以自廣夫曲防齊之所禁河水可塞而河道果能盡平乎皆無稽考之言也惟程氏以為九河之地已淪于海引碣石為證以為滄州之地北與平州接境

相去五百餘里禹之九河當在其地後為海水淪沒故其迹不存又上文言夾右碣石則九河入海之處有碣石在其西北岸九河水道既遷難於推考而碣石通趾頂皆石不應仆沒今充冀之地既無此石而平州有山名碣石者尚在海中去岸五百餘里卓然可見則是古河自今以為入海處向北斜行始分為九其河道已淪入于海矣漢王橫言昔天常連雨東北風海水溢西南浸數百里九河之地已為海水所

漸酈道元亦謂九河碣石在滄海後世儒者知求九河于平地而不知求碣石引河以為之證故前後異說竟無歸宿蓋非九河之地而強鑿求之宜其支離而不能得也又曾氏曰先儒分簡潔為二非也禹之前既有九河洪水湮塞禹乃疏之故言九河既道但疏通復其故道耳播之者非禹也宋儒之論如此今知不然者按禹貢九河既道同為遂河未聞八河之外一為枝流九河之中徒駭最大班固稱北亡八

枝其八悉是枝流而有太史等名簡潔二河先儒為  
是譬如人之命名或事單文或取重複簡易潔約於  
理何害且此之九河既淪巨海一為枝流于何而考  
改作八河又非其故山川鬼神豈其憑虛而告其不  
然者一也填塞八流固尚書中候之旨北亡八枝又  
班志溝洫之言五霸假之何嫌曲防之禁乎其不然  
者二也且後儒舉不信漢人乎東北風起海水浸溢  
此固漢人之言也而乃操我戈矛戲其墨守其不然

者三也漢世近古止得其三既得之矣又復何失若然者成平非海若之墟高縣宣天吳之府考迎河則南皮有亭間胡蘇在東光之界息壤在彼而欲問諸水濱其不然者四也取酈生之言則營州之城垂淪者半碣石雖在海中所淪者僅營州半城耳九河之地川瀆雖亡城地竝存而云悉皆淪沒其不然者五也冀兗之域中國奧區黃濁安流百川經瀆而勤勤皆沃若之鄉屑屑於海禹之地憑茲風伯以藉海

神其不然者六也且九河之名前此未有故漢書稱  
二渠曰釀禹貢道九河曰播釀則狀同釀酒播則散  
如播穀而云播之非禹更是何人其不然者七也新  
河舊名一地兩說偶一為之適相符契則漢世何難  
于六名唐人宣襲其三說崑崙巨派幾于繩水之同  
流廣阿大澤化作滄州之平地其不然者八也且取  
法莫若經傳信莫若史經則爾雅夏書史則河渠溝  
洫是之不務而又焉從事取韋昭而非韋昭言鄭氏

而非酈氏雅奏未終片言破道其不然者九也秦漢相傳蕭何先收圖籍宋薛爭舊晉人視諸故府徵信猶可若又疑之求其合也不亦難乎其不然者十也攷宋神宗時河決曹村北流斷絕而黃與淮合自漢元光中決瓠子注鉅野通于淮泗合淮入海既東徙而南奔踏元光之故轍今之所謂金城五港雲梯巨闕則又穆陵之碣石桐柏之勃海也附雲梯闕觀黃河入海譜章亥

不到天墟遙崑崙一寶通重霄漢津初卑坤軸坼馮夷沃焦紛來朝雍州積石河之首龍門下瀉隨神飈

底柱<sub>孟</sub>津遶大伾中華沙漠連元<sub>揭</sub>澤水迤東大陸  
北地平土疎山不搖一出一伏千萬里大曲小曲風  
雨飄濁黃一斗沙居六風輪陣馬無停鑣賴毫徐宿  
在唇齒曹濮單窮排脊腰雲梯古闕尾閭地搏桑滄  
嶼誰相招來自天上歸地底不知此水從何消三門  
四折又九派錫圭之祖烏能祧碣石既沒苦泛濫故  
道不復悍且驕白馬沉後無消息瓠子浪湧橫汝家  
議築議塞日駁訟治河治漕羣曉曉賈讓賈魯各前  
席史冊言在作準標華容武功印川子其人羅立如  
斗杓閣前下馬按遺蹟天晴海面拖青瑤洪濤光駛  
礮碑電黑齒旗豎鼈鼈橋始悟萬物有歸宿浮生馳  
逐朱顏凋精衛衝木究何益尹公術幻真無聊落日  
西風透白袷沓連愁聽番禺潮寄語司空蚕底績山行乘櫂泥行橈於是黃河故道久  
不復治九河之地悉成枯溝按九河始播之地自徒

駁至於鬲津相去二百餘里至下尾漸近是以合為一河名為遂河徒駁在成平胡蘇在東光鬲津在鬲縣此三河見於漢書其餘六者太史馬頰覆釜在東光之北成平之南簡潔鉤盤在東光之南鬲縣之北今惠州之境經啓九道茫茫禹跡盡在于是循求其故不失夏物考王橫風雨之徵參韓牧四五之議庶夏后故蹟靡刊於河渠伯益內經有聞於山海達觀博物之客其辨之哉

鬲津古河今稱鬲海夏時鬲國漢世鬲縣皆以此名左氏傳曰靡奔有鬲氏自有鬲氏收二國之燼以滅浞而立少康杜預曰有鬲國名今平原鬲縣史記韓信自平原攻破歷下軍還定濟北取鬲城水經云大河故瀆逕平原鬲縣故城西注云地理志曰鬲津也王莽名之曰河平亭故有窮后國也應劭曰鬲偃姓咎繇後也光武建武十三年封建議將軍朱祐為侯國也今惠平縣舊鬲城北有朱祐墓嘉靖通志云安惠

廢城本夏鬲國後漢書吳漢傳北擊清河長直及平原賊皆平之時鬲縣五姓其逐守長據城而反諸將爭欲攻之漢不聽曰使鬲反者皆守長罪也敢輕冒進兵者斬乃移告郡使收守長而使人謝城中五姓大喜即相爭歸降諸將乃服曰不戰而下城非衆所及也章懷太子注云鬲縣名屬平原郡今惠州長直當是賊號或因地以為名又案漢世稱為阻中即郭氏阨狹可鬲為津渡之義漢書王莽傳平原女子遲

昭平能說經博以八投聚衆數千人在河阻中晉書  
云武帝咸寧五年白兔見於平原鬲縣世說桓公有  
主簿善別酒惡者為平原督郵平原有鬲縣督郵言  
在鬲上輿地志云鬲鼎足空也河勢踞鬲欹陷肖形  
焉故名或曰以其據九州之上游若肝鬲居心脾之  
間也按鬲津鬲縣鬲國自西南以達于東北其地大  
矣是以平原安惠之間所在有之又海豐縣有大枯  
河即其下流

古商河即古漯河又作漯沃為漯沃津漢書作涇濕同沃

水經謂之商河隋加水曰滴河從其音近又以字改互異也禹貢浮於濟漯達於河水經云漯水又東北過陽墟縣東商河出焉注云陽墟平原之隸縣也商河亦曰小漳河商漳聲相近故字與讀移耳水經又云商河逕安惠縣故城南又東北漯沃津注云漯沃縣王莽之延亭也水經所稱逕平原歷安惠此地是其所經按漢書許商所欲開者乃是九河雖數移徙

不離此地其流逕平原安惠之間即是九河故道自九河不能復開後人乃于故處名為商河故桑欽溧沃之津酈元小漳之號為得之矣若夫許商名河未聞前史也

篤馬河漢世所開河也漢書地理志平原縣有篤馬河東北入海又溝洫志鴻嘉四年清河信都河水溢溢孫禁議決平原金堤間開通大河令入故篤馬河許商非之考水經云屯氏別河南瀆自平原城北首受

大河故瀆東出亦通謂之駕馬河樂史以駕馬河為  
馬頰河自古河涇塞名稱相亂又復同為馬字後人  
乃以駕馬為馬頰河樂氏不尋其源漫指為一循其  
故道非也今州城東俗尚稱馬頰河高唐州亦有馬  
頰河見於水經至有訛為馬家者馬頰本道在徒駁  
太史南其數居九河之三在滄州廢清池縣東南為  
是自河水旁流後人穿渠引派因循舊名謂之馬頰  
若今土河名徒駁河矣

古防黃河堤在惠州境惠州舊有護河堤大約築禹之  
蹟多在於是今大名濬縣廣平清河縣順惠廣宗縣  
皆有築堤惠平縣西南亦有築堤世傳伯蘇所築南  
自魏郡北過平昌伯蘇之湮洪水大禹之修築功遺  
蹟所在有之尚書帝咨四岳湯湯洪水有能俾乂僉  
曰於蘇哉帝曰方命圮族岳曰異哉試可乃已九載  
績用弗成孔傳曰功用不成則放退之展禽曰築障  
洪水而殛死禹能以惠修築之功夏后氏郊蘇而宗

禹凡禘郊宗祖報五者國之祀典也加之以社稷山川之神皆有功烈于民者也按四岳薦鯀又佐禹矣禹之大功固亦因鯀又其罪不至死故孔傳云放退之耳放退之後死于羽山故國語云鯀障洪水而殛死禹能修鯀之功上下文舜勤民事而野死稷勤百穀而山死山野亦非死字因殛至死猶山野而死耳惟山海經洪水滔天鯀竊帝之息壤以湮洪水不待帝命帝命祝融殺鯀于羽郊鯀復生禹帝乃命禹卒

布土以定九州此為異聞也開筮曰鯀死三歲不腐  
剖之以吳刀化為黃熊左傳國語子產曰昔鯀違帝  
命殛之于羽山化為黃熊以入於羽淵實為夏郊三  
代舉之王子年拾遺記堯命鯀治水九載無績鯀自  
沉于羽淵化為元魚時植鬚振鱗橫遊波上見者謂  
為河清羽淵與河海同源上古之人于羽山下立鯀  
廟四時致祭常見黑魚與蛟龍瀧瀧而出舜命禹疏  
川奠岳行遍日月之下唯不踐羽山之地濟巨海則

鼈龜為梁踰峻山則神龍為負皆盛惠之感也述異記今會稽祭禹廟不用熊白黃熊即黃能也陸居曰熊水居曰能漢書溝洫志禹治河北載之高地按經義治水有決河深川而無隄防壅塞之文賈讓言大川無防小水得入陂障卑下以為汙澤堤防之作起于戰國雍防百川各以自利又王橫言禹之行水乘高地而東北入海迺無水患按此禹之治水法也蓋大禹決河深川其築堤束薄亦無墮壞息壤矣

論曰古黃河之蹟其興者有夏呂之功其廢者有共鯀  
之敗共工有從孫鯀伯興賢嗣雖云幹父之靈實亦  
修鯀之功夫南城忍嗜尚斷羊棗之餘豈東海薦欹  
特舍熊白之味治水見功殆所不忍然而詳其祀典  
以祭昊天之郊記其巡行不踐羽山之地元魚出水  
于堯年黃熊入寢于晉世若鯀生不惠神於何寄乎  
原其墮高堙庳終成息壤之悲決河深川實念明惠  
之遠戰國之世齊地卑下而西泛趙魏瀕山以東抵

若夫四海之衆難誣九河之地不泯千載以下亦知  
神禹之績哉

衛河在城西門外即漢之屯氏河隋大業中疏為永濟  
渠亦名御河其源出蘇門山魏書地形志所謂蘇門  
山蘇門水所出南流名太清水是也晉阮籍常于蘇  
門山遇孫登至半嶺聞嘯聲歸著大人先生傳神仙  
傳孫登授嵇康一絃之琴魏氏春秋云康採藥于汲  
郡共北山見隱者孫登矣山有百門泉泉通百道衛

風泉源在左淇水在右是也

百門泉譌我家住在衛

泉尾乘興來訪衛水源

輝縣城北六七里十畝一沼如餅盆其土肥厚水清  
汎中有百寶穿石根大珠小珠盤渦走粘天拔地流  
奔渾直向東北入海去遠從碣石通折津撰杖到此  
夏五月祖龍不動炎雲屯振衣千仞清暉閣納涼河  
朔傾窪搏蒼松古槐立斜岸禿柳叢竹排當門須臾  
天漏大雨注空濛湧洞山無痕四面風來葛衣令簷  
前編蠟飛黃赤鹿角闊連讀書宅此水亦到山薑村  
今日徙倚山水窟新詩美酒安足論更下太行問濟  
濟還探黃河窮崑崙又合澇洹淇三水澇水源出磁州神麌山

東入于漳洹水者水經注出上黨洹氏縣洹山過鄴  
城南春秋左氏傳曰聲伯夢涉洹水歌曰濟洹之水

贈我以瓊瑰歸乎歸乎瓊瑰盈我懷乎杜預曰水出汲郡林慮縣是也屢伏屢見東入衛河淇水者源出彰惠府林縣大號山流逕淇縣合清水入衛河山海經曰淇水出沮洳山疑大號沮洳一山異名矣漢書地理志漳源有二一自山西長子縣西發鳩山名濁漳一出樂平縣南少山名清漳禹貢覃懷底績至于衡漳是也合衆山之水其流頗大自涉縣東南來注之世名其處曰交漳口逕鄴縣西門豹祠又與滏水

合入衛河

屯氏河者漢書溝洫志曰自塞宣房後河北決於館陶分為屯氏河元帝元光五年河決清河靈鳴犧口而屯氏河絕成帝初清河都尉馮遂奏浚屯氏河以助大河泄暴水備非常水經云大河故瀆東逕平原縣北逕繹幕縣繹幕城在今平原縣西北西流逕平原鬲縣枝津北出至安陵縣遂絕屯氏別河北瀆逕重平縣別河南瀆逕平原縣又有枝渠右出至安惠縣遂絕此屯氏

故道及南北二瀆之舊跡也今按大名府元城縣有屯氏大河故瀆俗云王莽河一名毛河又今館陶縣西南有毛州城遺址尚存顏師古漢書注屯氏河隋室分析州縣誤以為毛氏河乃置毛州失之甚矣

永濟渠者隋書大業四年詔發河北諸郡男女百餘萬開永濟渠引沁水南達于河北通涿郡七年帝自江都行幸涿州渡河入永濟渠又開元二十八年刺史盧暉徙永濟渠注魏橋通江淮之貨逕惠州境又滄

州有永濟隄金史將陵縣有永濟渠即今州西衛河  
是又按永濟渠本決衛水而隋書云沁水者沁水源  
出沁州穿太行達濟源逕武陟入黃河元郭守敬猶  
言沁河東流至武陟北合入御河故永濟渠總有御  
河之目煬帝故事自蕪城北至涿鹿皆牙檣錦繩之  
所經矣

會通河者元史河渠志會通河起東昌路須城安山之  
西南由壽張西北至東昌又西北至臨清與衛河合

會通河引汶絕濟直歸漳衛洪武中會通漸淤永樂

九年因海運艱阻詔開會通河鑿通元人故道自徐

州抵臨清七百里大為漕運之利

于慎行筆塵曰隋煬帝開通濟渠自

東郡西苑引穀洛之水達于河又自板渚引河水達于汴又自大梁東引汴水入泗達于淮又自山陽至

揚子達于江於是江淮河汴之水相屬而為一矣煬

帝又開永濟渠因沁水東南連于河北通涿郡又穿江南河自京口至杭州八百里蓋今所用者皆其舊

跡也滹沱御漳則永濟之遺也自京口闢通于浙河

則江南之遺也煬帝此舉為其國促數年之祚而為後人開萬世之利可謂不仁而有功者矣又按

二河之出境也北逕桑園至東光滄州天津下直沾

入海直沽者在武清縣東南衛河白河丁字沽合流  
于此又東南四十里名海口通典謂之三會河口元  
於此置海津鎮有三沽丁字沽西沽直沽丁字沽者  
以河形三岔如丁字也或云此即古者九河入海之  
處地勢卑下遇霖潦直與海平諸水類以直沽為壑  
也

總論曰昔禹湮洪水十三年九載稱絲蹟焉其間為陂  
湖為藪澤河之美溢害中國也尤甚迺導河自積石

過龍門至于大伾此時猶數為敗由此北載高地二渠竝釅九河分播此功一成諸夏乂安河之從來高矣河之乘流急矣斯時百川經此多不勝數自天庭太帝之室河伯馮尼之都嵒峯之墟去嵩高者五萬灑水以北達陽糸者三千桃水同流荷精分布其為色也一川皆黃其為泥也六斗并濁魚一躍而暴腮孤始渡而銜尾蓋諸瀆俱獨唯黃河用衆濟出王屋淇近太行恒衛澠易之水望恒山以奔流漳潞汾涑

之川越壺口而湍逝衆川之流有以濁之故黃河兼  
濁河之名矣懷明惠而念禹功九河其首烈哉降及  
後世幾踰千年填遏始自齊桓隄防起于戰國秦灌  
大梁漢塞瓠子既通溝而入淮遂北絕而東注河之  
南徙也漸矣自九淵既堙八支并塞則在北諸水譬  
諸投吳未可歸蜀無路盛則通津委海耗則微涓絕  
流若今之土河為徒駭者此類是矣然當此之時諸  
水乃各自稱焉何則昔在漢世九河之南自為一河

名曰駕馬孫禁之所欲開許商以為未可豈以角津  
相傍趙高同指鹿之譏頰河未遠莊生寓一馬之旨  
歟於是乎有以駕馬為馬頰之誤二渠之中漂居其  
一九流同注河其總稱本出武陽之臺亦逕高唐之  
地平原有漂陰之縣河北有漂沃之城涇沃既訛斯  
滴河遂改商漳相近則小漳字移張公之城重源潛  
發落里之坑澗而不流談者妄謂許商所鑿因名為  
商於是乎古者有漂沃之津今者有商河之縣且絳

水出自屯留二漳源於上黨與夫稱淇水為洪水目  
共城為降城從采則漳絳雙流從共則淇衛竝出此  
二水者皆能為害此二說者均非無因於是乎有以  
洚水為絳水洪水為共水之說若漳絳同矣淇衛合  
矣而屯留與純粹之純同聲屯氏與屯田之屯相襲  
張長史引括地有毛留之言顏師古笑隋氏置毛州  
之誤地形則同音義迥絕當驚波沛厲望沫揚奔既  
知河有九游寧復云泉通百道乎自九河既滅而難

明則兩川分流而新絕出館陶決鳴犧於是乎有屯氏之水有張甲河首受屯氏之經若衛河者即屯氏之水也今者已獨出其所而入海矣自隋渠永濟元鑿會通邗溝備荒王之游幸啓為利涉之川黃池假句吳之霸圖化為通溝之漕江河淮泗竝龍骨以開渠滹沱御漳若魚貫而成次由直沽而至海跨潞水以踰燕陳瑄之著績於江淮宋禮之收功於齊魯徐有貞之築張秋潘季馴之鑿董口既若建瓴之比幾

于朝宗之勢於是按粟都尉河堤使者蒼鷹赤雀引  
紅粟于淮海鐵軸牙檣泛歸舟于秦晉齊臣不涸對  
此懷慙漢后常平方茲為劣雖復鞭石餘威固多秦  
皇之力而鑿山故道猶是大禹之遺哉

古歡堂集卷四十一

欽定四庫全書

古歡堂集卷四十二

戶部侍郎田雯撰

長河志籍考

州鎮七曰新安曰邊里曰王滿曰王解曰土橋曰叢園  
曰曲陸是也

新安鎮在城東九十里古安惠縣地本屬舊惠州永  
樂七年割屬今州漢書地理志有安縣謂之安侯國  
屬平原郡王莽初始元年正月封孺子嬰為安定公

以平原安德灤陰高重丘凡戶萬地方百里為安定  
公國蓋古有安惠又有安縣王莽國號曰新謂之新  
安即此地舊唐書志隋於舊廣川縣東八十里置新  
縣此地名新名安古有之矣其為鎮也似晉帝改始  
新之縣楊僕移山谷之關焉

邊里鎮在城東六十里古安惠縣地本屬舊惠州永  
樂七年割屬今州邊里之名不知所出顏真卿之守  
平原在故惠州及李納之戍亦在故惠州南跨河而

城謂之三汊王武俊令其子士清將兵先濟滴河李  
師古毀三汊城具見唐書又鄭權之討李師道也權  
身將兵出屯奏置歸化縣綏納隆附師道師古弟也  
新唐書志元和十三年折惠州之安惠置歸化縣隸  
惠州太和四年省入臨邑北有鹿角關今惠州又有  
鹿角關古惠州嘗為爭戰之所故有邊里之名若今  
州城西門名定邊矣

王滿店在州城東南六十里州之屯氏河舊稱王莽

河莽與滿音近後人惡王莽之名從其訛耳漢書溝  
洫志曰河之為中國害尤甚故導河自積石歷龍門  
釅二渠以引河一則北瀆王莽時空故世俗名瀆為  
王莽河也舊唐書朱滔傳興元元年滔次南河攻圍  
貝州三月魏州亂滔令大將馬實分兵過魏州營於  
王莽河今大名府元城縣有屯氏大河故瀆俗云王  
莽河一名毛河凡屯氏所經俗皆謂之王莽河故訛  
曰王滿也

論曰昔漢明惠避何羅之姓見惡馬宗王皇后遭武豐  
之讒斥為莽氏考孫禮之傳當時且號王翁凡屯氏  
之河後世悉稱王莽殆亦紫色蛙聲之舊訛為別風  
淮雨之儕與

王解店在州城東六十里解之字曰蟹如地理志河  
東解縣及春秋時解揚以地氏姓並音為蟹王解之  
名不知所出字學有通俗廣雅求其通廣雅俗二端  
而已此地今俗稱螃蟹河蓋古之徒駭也漢世九河

故迹北七八枝惟徒駭獨存後亦并塞河乃東徙此必徒駭旁流土人名為旁駭或稱橫音與駭耳聲音

王同音

相近轉寫之訛字成虛虎矣黃河故道在平原安惠

之間即今州境徒駭河俗稱徒河又訛土河舊黃河

西南自濟河接於梁山北過臨邑曰大土河又西北

至惠州界曰土河此地雖非徒駭本道自填遏八河

徒駭橫流故地以此名王解其遺意也

論曰昔獵閭本礪餘之聚亢仇舊漫

音武安反

仇之亭若

王解者此類是矣是以漢民記滹沱之字徒可為沱  
今俗稱螭鱗之河駭復為解若聞一知二億則屢中  
矣

土橋在城東四十里通陸縣土橋西南有張家莊古  
張甲河亦名張公渡有張公城史記秦始皇至之采  
見巨魚射殺一魚遂並海西至平原津而病漢書公  
孫弘平津侯亦此蓋平津即此津始皇渡此津而疾  
即異苑所記沙丘之謠也陵縣志云今在縣西十五里按陵縣西則惠州城東

矣又云韓信渡平原津襲齊歷下軍即此水經云大河又北逕張公城臨側河濱按此知大河故瀆又有張甲之稱矣東方朔別傳云父張氏名夷字少平母田氏夷年二百歲顏若童子朔生三日而田氏死死時漢景帝三年也鄰母拾朔養之時東方始明因以姓焉按此知東方朔亦姓張矣漢書東方朔上書云臣少失父母長養兄嫂文亦類之而論衡云姓金氏變易姓名游宦漢朝新唐書志惠州長河縣東南有

張公故闕


桑園鎮在州城北四十里以桑淵得名水經注竇氏  
青山東逕董仲舒廟南舊溝又東逕修市縣故城北  
地理風俗記曰循當作修縣西北二十里有修市城故  
縣也又東會從陂子午潭漲淵而不流亦謂之桑此  
淵逕循當作修縣故城北東合清漳漳泛則北注澤盛  
則南播津流上下互相逕道也又脩縣西北有桑社  
一作杜枝津逕弓高城北謂之桑社溝漢書竇皇后家

在觀津廣國嘗與其姨采桑墮用為符信知此地古  
悉種桑為浴蠶之地故名桑園桑社新唐書猶稱惠  
州土貢絹綾矣今桑園鎮北二十里為安陵鎮跨衛  
河東西兩岸安陵故縣水經注本修之安陵鄉也舊  
唐書志景州安陵縣永徽二年移治白社橋又惠州  
長河縣元和四年移就白橋於永濟河西岸置縣是  
長河近安陵之地此桑園鎮古安陵縣也

曲陸店在州城南五十里以載籍考之二字悉有其

義公羊傳曰河曲流河千里一曲一直鉤盤河郭璞  
以為水曲如鉤流盤桓也夫水號鉤盤則地稱曲陸  
矣爾雅高平曰陸此最古名史記陸賈傳索隱注曰  
齊宣公友子達食采於陸鄉號曰陸侯賈其孫也唐  
書世系表陸氏出自媯姓田完裔齊宣王少子通封  
於平原般縣陸鄉即陸終故地因以氏焉是平原般  
縣有陸鄉般即古鉤盤矣晉書陸機為平原內史集  
中有謝平原內史表又陸雲為清河內史平原清河

連竟雲撰祖考頌序云雲之世族承黃虞之苗裔襲  
靈根之遺芳在周之衰有媯育姜而貞龜發鳴鳳之  
兆周史表觀國之繇故能光宇營丘奄有東海矣



古歡堂集卷四十二

欽定四庫全書

集部

古歡堂集卷四十九

三至

詳校官侍講學士臣法式善

助教臣常循復勘

總校官庶吉士臣何思鈞

校對官中書臣石鴻翥

謄錄監生臣王永鎮

欽定四庫全書

古歡堂集卷四十三

戶部侍郎田雯撰

長河志籍考

惠水古有其名矣史記封禪書云昔秦文公出獵獲黑龍此其水惠之瑞於是秦更名河曰惠水

重丘春秋齊地在故陵縣今之惠州清類天文分野書云陵縣春秋為重丘齊地也按春秋襄公二十五年秋同盟於重丘杜預范甯竝云重丘齊地史記樂毅

傳齊湣王敗楚相唐昧於重丘索隱曰屬平原漢書地理志平原郡重丘縣水經云篤馬河逕重丘縣故城西應劭曰安惠縣北五十里有重丘鄉故縣也又按臨齊城亦在此地水經又東北逕臨齊城南一語鄭氏注文非桑欽語也鄭善長註云始東齊未賓大魏築城以臨之故城得其名也桑欽魏人不辨有東齊西魏之事若春秋戰國古之齊地則鄭生不宜誤註明其後魏所築矣按魏國城在州治東南三十里

徒駭河之上流有龍泉寺其故地也

醇儒書院在城西門外會典載成化二年封董仲舒為廣川伯從祀孔子此書院之所以設矣董子治公羊春秋有弟子數人皆宜陪祀漢書儒林傳董生弟子蘭陵褚大東平羸公廣川孟但段仲史記稱殷忠溫呂步舒大至梁相步舒丞相長史惟羸公守學不失師法為昭帝諫大夫授東海孟卿魯眭孟坐言災異誅仲舒言災異橐未上主父偃候仲舒私見嫉之竊

其書而奏焉上召視諸儒仲舒弟子呂步舒不知其  
師書以為大愚於是下仲舒吏當死赦之仲舒遂不  
敢言災異按此似非高弟然驗諸眭孟之誅師而不  
言小子何述使其師年老壽終亦其力也宜并祀之  
又傳稱仲舒家徙茂陵子及孫皆以學至大官按董  
子墓在長安城南舊說門人至此下馬謂之下馬陵  
語訛為蝦蟆陵蓋徙家茂陵葬於彼土此其故里也  
論曰公孫弘布被脫粟諛以嫉稱主父偃倒行逆施書

從竊奏使王佐之才感士不遇揆之聖門性與天道  
是所罕言億則屢中謂之不幸觀夫夏侯囚執李尋  
放流董生且不免况其餘耶其不至為眭孟京房也  
非藉步舒之大愚乎董子自是歌詠明哲通達天人

余以為宜立祠諸弟子為醇儒之儕焉

董顏書院記  
董顏書院漢

董仲舒唐顏真卿合祠也祠州守北海馬公明瑞創  
之時萬歷四十三年也初名醇儒書院先麗水公重  
修之以真卿配焉時我朝順治十年也惠州為董仲舒故里真卿平原太守故

台祀之祠在屯氏河東水滸驛之西然自其創也詎  
重修之日未五十年自重修以訖今日已四十年矣

所存一斷碣橫陳于路，訓龜趺沒泥甃中，漫漶磨滅，莫可辨。過其下者猶得識其故處，盛衰興廢之感，可為歎歎。太息也。彼老氏之宮，楚王之宅，非不久且廢也。而敗瓦壞垣，規模麤具，未有荒烟墳草陳迹，茫然如茲之甚者。歲康熙壬申，余以棘人偶至其地，見長河一綫帆影，垂空棗葉柳花，夕陽在樹，憑弔久之，謀所以復之而民居鱗次，舊基欹半不可與爭，因購呂氏止園之後屋，葺治丹艤，置兩主於上，俎豆無闕，亦先公意也。

讀書臺者，昔人於學宮東廡下掘地得石，曰董子讀書臺。按董子廣川人，惠州者唐元和十年所徙之長河縣，漢信都國之廣川縣也。夫漢縣之所謂廣川者大

矣有城郭焉有郊垌焉百里之內正值其地或即董  
生下惟處按圖考碣適相符契矣

論曰讀書臺者董子下帷之所也原其東望長樂西臨  
廣川脩縣錯齒于安陵長河同源夫惠水沉碑符于  
載籍摩碣等于是按圖繁露常滋非有淮南之感玉杯  
自在寧謂垣平之詐哉

方山在城東十里積土為山高三四丈冬則宛然雪山  
又有平原嶺上有鹿角關望遠臺壽公巖平原嶺古

名也其地有鹿角津故以名關近厭次故縣又有厭

次津東方朔舊里也方山者疑以東方朔名平原非

嶺其名嶺者積土為山有似於嶺本古隄岸猶之方

山類山矣今自城南至東土阜皆是也

新志平原嶺在州城南百

步許土岡無石全為市里引齊乘云平原嶺在惠州東南七十里其上有鹿角闕當時惠州乃今之陵縣一統志載鹿角闕在今臨邑縣北十五里則此平原嶺亦後人取以名之也

厭次城東方大中所居也今廢為神頭店土人每於夕

月初明宵霧微昏之際見雉堞有形於旗相望故曰

神矣水經云河水自平原安惠鹿角津東北逕厭次  
河酈氏注云漢安帝永初二年劇賊畢毫等數百乘船  
寇平原縣令劉雄門下小史所輔浮舟追至厭次津  
與賊合戰並為賊擒求代雄毫縱雄於此津水經注  
入云商河又東北逕富平縣故城北閼駟曰厭次本  
富平矣按漢右將軍張安世封富平侯國在陳留別  
邑歲入租千餘萬子延壽上書減戶天子以為有讓  
徙封平原并食一邑戶口如故而減半明帝永平五

年改曰厭次矣

白石城史記齊悼惠王子雄渠孝文  
十六年以白石侯為膠東王城在安

惠縣北二十里又魏國  
城在州城東徒駭河上

陳公堤在城東南五里宋史天禧三年河決滑州陳堯

佐知滑州築長堤以障水北連長河人呼為陳公堤

自北流斷絕黃河故道時有淋潦之患明永樂間司

空宋禮猶欲開河泄水入舊黃河至海豐大枯河入

海是以薛平殺水於唐年陳公築堤於宋世也

行宮在城西衛河東滌明永樂宣惠間車駕往來兩京

皆駐此至今名為皇殿按惠王之始封也吾學編同姓諸王傳曰初封惠州詔改濟南王諱見潯英宗第二子封惠王成化三年之國開府濟南府正惠十二年薨謚曰莊子祐榕正惠十六年嗣封莊王庶長子祐摠封泰安王莊王庶子祐擣封濟寧王當時雖有惠王之目開府濟南在府城內而封建之號以州名國若漢惠侯廣矣

論曰昔宛委開圖惟乘四載弇山紀石或御八龍是用

天平地成何必上棟下宇况夫屯氏接天潢之派平  
原分若木之枝彼則開國以名此亦惟宮設宿而丹  
堦玉璧既異河間之碑紫的綠房殊非恭王之賦矣  
十二連城在城北十里明建文元年春二月命都督韓  
觀練兵於惠州秋九月大將軍李景隆乘傳至惠州  
合兵五十萬進營河間冬十一月庚子李景隆兵潰  
於白溝河南奔駐惠州二年夏四月李景隆與燕兵  
戰於白溝河敗績奔惠州燕兵攻惠州五月辛未李

景隆奔濟南燕將陳亨張信入惠州秋七月平安率兵二十萬進次單家橋八月盛庸兵至惠州燕將陳旭遁歸北地三年春正月盛庸合兵三十萬駐惠州三月盛庸與燕兵戰於夾河敗績奔惠州

論曰昔韓觀練兵景隆退走比春秋之夾泜而軍若晉楚之背鄆而舍白河擬官渡之兵衛水邁昆陽之戰然田單之守即墨徒有其人趙括之拒長平實違其器雖鐵鉉鶻設伏之兵子溢有歐血之恨終無及矣

至今鬼火平林彎魂新市樹藝觀鎌矢之餘枯骨表

戰場之地望之生李華弔古之思焉

連城城北十二  
城村墟草木皆

甲兵舊鬼磨滅

三百載天陰雨濕青燐生當時靖難

戎馬作旌旗斜捲安陵郭五十萬師自南來

方山之麓掃秋簾燕雲黑壓金川門齊黃二子徒紛紛濟上

猶傳鐵太守白溝空恨李將軍衰柳殘陽長河古鴉

陣障天不可數蒿花豆葉

爭秋風平蕪遠落戰場土

廣川樓在城南驛中以江都相得名也惠州之地稱廣川者本漢晉時信都樂安之名安平長樂之號古治與脩縣隸屬晉宋立棗強之都凡言廣川者宜在城

西樓居城南後人所名然登斯樓者地非風馬之譏人有懷蛟之夢清明風節居然繁露之餘淇澳南來總是長河之號君子以為猶古也

廣川漢國名漢書景帝王夫人生廣

川惠王越以孝景二年立子繆王濟齊子去聽后昭信讒言亨姬不道距師之諫殺其父子廢徙上庸自殺西京雜記作去疾好聚無賴遊獵無度國內家藏一皆發掘其奇異者百數如魏襄王冢哀王冢魏王子且渠冢袁盎冢晉靈公冢幽王冢樂書冢按古三晉之地趙魏是其國竟班孟堅謂古人以安安為鳩毒亡德而富貴謂之不幸惟大雅卓爾不羣河間獻王近之矣余謂廣川距師父子並戮河間崇儒大小光價向使河間尊毛氏廣川亦師董子二王同時顧不並美是以去疾之事不足存錄而江都之學足可

表師

雁墻

墻在州城巽位浮屠三層孤峯竦立明洪武三十  
年墻與城並建此雁墻之權輿乎墻腹開如屋鑿

壁納石鶴甲

乙科姓氏於其上明洪武劉摠謙為始至崇  
禎癸未科榮爾奇止凡進士六十一人又洪武

庚午科張璞郭麟為始至崇禎壬午科宋炳凡舉人

一百九十六人蓋昔人做唐慈恩寺墻之遺意以志

科名之盛也歲久墻圯余以康熙壬申重修之補石

二以列進士姓氏自我

朝順治丙戌科李浹至康熙乙丑科孫勑凡十六人舉

人姓氏自順治乙酉科李浹至康熙癸酉科李棟凡

二十八人

工既畢墻復以完遂泄筆為紀曰按西域志云有丘見雙雁飛翔忽一雁投下自墮于土塗

雁墻故謂之雁墻又長安志云慈恩寺隋無漏寺

故地唐高宗在春宮時為文德皇后立故名慈恩浮

屠六級崇三百尺依西域宰堵波制度至尊遊豫秋登報恩浮屠從者獻菊花酒稱壽若是則雁塔之設於科名何與馬杜甫登慈恩寺塔詩乃傷天寶時事於文章人才之故亦未嘗一語及之自唐人及第後有題名於慈恩寺塔者遂為故事州之有雁塔殆以此歟

東壁樓在東郭之東程通判泰別墅也泰程紹次子官建昌通判其後遊覽者過此有詩所云苦憶東樓上盧家送酒來又幕燕愁相語簷花笑不開是也

矩亭在城東三十里土橋之西李孝廉誠明別墅

杜亭在西城內牆下盧御史世淮尊水園中亭也壬戌移居

草水園祭南村詞曰杏花碎錦甲第空擬金張燕子  
鳥衣風流徒稱王謝春來秋去短牆喬木誰家物換  
星移滄海桑田無恙所以他人入室每興慨于唐風  
若夫一枝可棲更寓言于莊叟尊水園者門臨眢井  
圃接荒城徑則有三應同蔣詒之築柳何妨五真似  
陶潛之栽竹屋紙窗酒痕歷歷青鞋布襪詩思泠泠  
取杜名亭祀五郎于突厥命胥鈔句見子美于羹牆  
何殊成都橋邊住東屯而收稻不異頽昌村裏坐桑  
下以受風久矣人琴俱亡悲哉墓木已拱為他所有  
轉授於余於是啟戶登堂焚香設座擔書而入老僕  
操篋頻來剪紙以招先生吟魂不遠潭潭華屋解嘲  
錯比揚雄垂垂官梅東閣堪留何遙然而我非詹尹  
敢詎卜居設使君作伯通亦須賈廡昔子山江陵客  
舍乃宋玉之故廬右丞韻口山莊實延清之舊宅此  
富兒俗子未許托此數椽而明月清風常若懸其一  
榻也况聞蔡邕授羣書于王粲謝朓割半墮于江郎

達達傳之其人後日述為盛事宣特盧教化去傳市  
塵之一區田舍歸來賦小山之叢桂已哉真澆白墮  
祭告紫房齋署曰盧亭仍名杜凡有半弓隙地亟令  
裁花何少二頃林田儘堪釀酒南榮北牖馴鶴堵前  
東柯西枝送鴻天際伶白吾友濁賢清聖堆塵劉項  
詞人垓下大風衝口將書抵塞三間屋願追問字之  
班用酒消融萬古愁  
聊效軌轍之幕

程氏南園出南郭二里枕河流堤上有會心亭蒼松古  
槐千雲蔽日余少曾遊之洎壯時黍離麥秀矣偶一  
追思依稀在目所謂百花酣而白晝眩青蘋動而林  
陰合水靜而跳魚鳴木落而羣峰出四時不同景物

皆好不可殫記也

程氏北園即在北郭輦石為山峰巒洞壑逶迤奇勝樓  
橫堂列木映花承皆曲有奧思程公致政歸謝賓客  
燕息此園園之景從自營心匠得之今作牧豕場美  
止園在西城內呂生芝房別墅也闢地數畝破千緡落  
成不數年吏虎而冠噬其園一旦瓦礫嗒然消歇嗟  
乎斗筲之人且為花木之蒼鷹池館之屠伯也

瓜隱園在城東二十五里徒駭河岸上山薑村中園也

邵平秦東陵侯後種瓜於長安俗謂之東陵瓜漢施  
延沛人種瓜自給姚俊常種瓜灌園又沈約宋書步  
騶與衛旌同年相善俱種瓜自給鄒平原以種瓜為  
業劉義慶幽明記韓珍種瓜營墓孫鍾富春人種瓜  
為活以上數人背人謂之瓜隱故以名園矣絕句云  
一雙春鳥屋簷鳴樹杪風聲似雨聲吾輩從來非解  
事全憑鳩婦道陰晴離騷句澁何能讀秋水篇長  
亦久停攘臂今朝展書卷養魚經與相牛經木密

來禽穀雨後黃瓜紫李春分前一班都出園官手況  
有齊民要術篇 趁雨鋤瓜二畝餘東陵野老較何  
如絕奇覓得西洋種皮色斑青蚶蚪書 軋軋鴉聲  
水葉開長鬚奴子駕船來此番不為秋風起網得鱸  
魚少二腮 小婦三度報蠶眠準備新絲浴夏天自  
是今年好光景打門無吏橫催錢 書齋近在廟門  
東小學新頒例不同芒屨葛巾搖羽扇上堂長揖數  
村童 結束成圍試一行南村人鬪北村彊看來本

是懷磚俗宋鵠韓盧獵兔場偶欲騎驢入城去棟  
花風下立多時遍詢村口三叉路林鳥潭魚總不知  
徒駭河干馬鬣堆新松初種葉如釵殷勤報與山  
妻道吾輩佳城事已諧

古歡堂集卷四十三